



Broj: 11-11-05/02-34-19752-3/24  
Sarajevo, 27.05.2024. godine

Na osnovu čl. 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), čl. 4. i 19. Zakona o izvršavanju Budžeta Kantona Sarajevo za 2024. godinu („Službene novine Kantona Sarajevo broj: 55/23), ministrica za odgoj i obrazovanje Kantona Sarajevo, donosi

## **ODLUKU**

### **O UVJETIMA, POSTUPKU I KRITERIJIMA ZA DODJELU STIPENDIJA UČENICIMA PRVOG RAZREDA, DRUGOG RAZREDA I TREĆEG RAZREDA SREDNJIH STRUČNIH ŠKOLA U ŠKOLSKOJ 2024/2025. GODINI KOJI SE ŠKOLUJU ZA DEFICITARNA ZANIMANJA NA PODRUČJU KANTONA SARAJEVO**

#### **I - OPĆE ODREDBE**

##### **Član 1.** (Predmet Odluke)

Ovom Odlukom utvrđuju se opći uvjeti, postupak i kriteriji za dodjelu stipendija Ministarstva za odgoj i obrazovanje Kantona Sarajevo (u daljnjem tekstu: Ministarstvo) za učenike prvog, drugog i trećeg razreda srednjih stručnih škola u školskoj 2024/2025. godini koji se školuju za deficitarna zanimanja III stepena u srednjim školama kao javnim ustanovama na području Kantona Sarajevo za koja ne postoji dovoljan interes učenika za upis, a postoji interes na tržištu rada, te prava i obaveze korisnika stipendija.

##### **Član 2.** (Naziv stipendije)

Naziv stipendije glasi: Stipendija Ministarstva za odgoj i obrazovanje Kantona Sarajevo za učenike prvog, drugog i trećeg razreda koji se školuju za deficitarna zanimanja III stepena. (u nastavku teksta: stipendija).

##### **Član 3.** (Sredstva za stipendije)



Sredstva za stipendije iz člana 1. ove odluke će se osigurati i realizovati iz Budžeta Kantona Sarajevo, razdjel Ministarstvo za odgoj i obrazovanje, sa pozicije 614200 LAM007 Tekući transferi pojedincima, program LAM 001Z.

**Član 4.**  
(Lista deficitarnih zanimanja)

(1) Ministrica za odgoj i obrazovanje (u daljnjem tekstu: ministrica) utvrđuje listu deficitarnih zanimanja III stepena srednjeg stručnog obrazovanja i obuke za stipendiranje Ministarstva sa spiskom srednjih škola i brojem učenika koji će se stipendirati.

(2) Istovremeno sa objavljivanjem Konkursa za upis učenika u prvi razred srednjih škola sa područja Kantona Sarajevo objavljuje se javni poziv za dodjelu stipendija za deficitarna zanimanja u školama za stručno obrazovanje i obuku.

(3) Javni poziv iz stava (2) ovog člana će biti objavljen na internet stranici Ministarstva i internet stranici škola iz stava (5) ovog člana.

(4) Javni poziv iz stava (2) ovog člana obavezno sadrži listu škola, deficitarnih zanimanja i broj učenika koji će se stipendirati.

(5) Za školsku 2024/2025. godinu utvrđuje se lista škola, deficitarnih zanimanja i broj učenika koji će se stipendirati kako slijedi:

R.br.	Naziv škole	I RAZRED	II RAZRED	III RAZRED
		ŠKOLSKA 2024/2025.	ŠKOLSKA 2024/2025.	ŠKOLSKA 2024/2025.
		Naziv zanimanja/ Broj učenika za stipendiranje	Naziv zanimanja/Broj učenika za stipendiranje	Naziv zanimanja/Broj učenika za stipendiranje
1.	<b>Elektrotehnička škola za energetiku</b>	Elektromehaničar/5	Elektroinstalater/5	Elektromehaničar/5
		Elektroenergetičar/5	Elektroenergetičar/5	Elektroinstalater/5
2.	<b>Srednja škola metalnih zanimanja</b>	Plinski i vodonstalater/5	Plinski i vodoinstalater/5	Instalater centralnog grijanja/5
		Zavarivač/5	Zavarivač/5	Plinski i vodoinstalater/5
3.	<b>Srednjoškolski centar Hadžići</b>	Bravar/5	Bravar/5	Bravar/5
		Stolar-CNC operater/5	Stolar/5	Stolar/5
4.	<b>Srednja škola poljoprivrede, prehrane, veterine i uslužnih djelatnosti</b>	Mesar/5	Mesar/5	Mesar/5
		Prerađivač mlijeka/5	Cvječar-vrtlar/5	Cvječar/vrtlar/5
5.	<b>Željeznički školski centar</b>	Elektroničar telekomunikacija/5	Elektroničar telekomunikacija/5	Elektroenergetičar/5



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

2/5

		Saobraćajno transportni operater/5	Saobraćajno transportni operater/5	Elektroničar telekomunikacija/5
6.	<b>Srednja građevinsko-geodetska škola</b>	Keramičar-podopolagač/3	Keramičar-podopolagač/5	Keramičar-podopolagač/5
		Moler-farbar/3	Moler-farbar/5	Moler-farbar/5
		Zidar/fasader/2	/	/
		Monter suhe gradnje/2	/	/
7.	<b>Srednja škola za okoliš i drveni dizajn</b>	Stolar-CNC operater/5	Stolar/5	Stolar/5
		Tapetar-dekorater/5	Tapetar-dekorater/5	Rasadničar/5
8.	<b>Srednja škola za tekstil, kožu i dizajn</b>	Krojač/10	Krojač/10	Krojač/10
9.	<b>Srednja škola za saobraćaj i komunikacije</b>	Autolimar/5	Autolimar/5	Autolimar/5
		Autolakirer/5	Autolakirer/5	Automehatroničar/5
10.	<b>Srednjoškolski centar Vogošća</b>	Zavarivač/5	Zavarivač/5	Zavarivač/5
		Obrađivač materijala na CNC mašinama/5	Obrađivač materijala na CNC mašinama/5	Obrađivač materijala na CNC mašinama/5
11.	<b>Srednjoškolski centar „Nedžad Ibrišimović“ Ilijaš</b>	Zavarivač/Bravar/5	Zavarivač/5	Zavarivač/5
		Automehatroničar/5	Obrađivač materijala na CNC mašinama/5	Operater na CNC mašinama/5
12.	<b>Centar za slušnu i govornu rehabilitaciju</b>	Autolimar/2	Autolimar/4	Frizer/1
		Kuhar/1	/	Pomoćni krojač/1
		/	/	Pomoćni kuhar/1
		/	/	Knjigovezac/4
13.	<b>Škola za srednje stručno obrazovanje i radno osposobljavanje</b>	Knjigovezac/3	Kuhar/5	Reklamni grafičar/5
		Kuhar/3	Moler Farbar/5	Knjigovezac/4
		Reklamni grafičar/2	/	Kuhar/1
		Moler/farbar/2	/	/



(6) ) Ukoliko je škola za određenu školsku godinu predložila za stipendiranje samo jedno deficitarno zanimanje ili dva i više deficitarna zanimanja od kojih je za neko zanimanje predloženo veći odnosno manji broj od pet učenika, Komisija ministrici može predložiti stipendiranje manjeg odnosno većeg broja od pet učenika po zanimanju pod uvjetom da ukupan broj stipendija ne bude veći od 10 stipendija po razredu u školskoj godini i da učenici ispunjavaju sve uvjete definisane ovom odluka.

## II – KRITERIJI ZA DODJELU STIPENDIJA

### Član 5.

(Uvjeti i kriteriji za dodjelu stipendije)

Pravo na stipendiju imaju učenici koji ispunjavaju sljedeće uvjete:

- a) da je državljanin Bosne i Hercegovine;
- b) da je redovni učenik srednje škole i zanimanja iz člana 4. ove odluke koji se prvi put upisuje u prvi razred, prvi put se upisuje u drugi razred i prvi put se upisuje u treći razred u školskoj godini za koju se dodjeljuje stipendija;
- c) da u prethodnom razredu ima ostvaren dobar uspjeh;
- d) da u prethodnom razredu ima primjerno vladanje.

### Član 6.

(Izbor stipendista)

- (1) Izbor kandidata za stipendiranje vrši se na način da škole iz člana 4. ove odluke najkasnije do 15. septembra tekuće godine, na posebnom obrascu Ministarstvu dostave rang-listu upisanih učenika u prvi razred, u drugi razred i treći razred.
- (2) Za učenike prvog razreda dostavljaju se podaci na osnovu konkursa za upis učenika u prvi razred srednjih škola sa područja Kantona Sarajevo u školskoj 2024/2025. godini, na osnovu podataka o ostvarenim rezultatima u učenju i vladanju za 9. razred osnovne škole i dokazima iz člana 5. ove odluke, a za učenike drugog i trećeg razreda dostavljaju se podaci o ostvarenim rezultatima za prethodni razred iz člana 5. ove odluke.
- (3) Proceduru i izbor kandidata provodi Komisija koju imenuje ministrica.
- (4) Komisija za svoj rad odgovara ministrici.
- (5) Komisija je dužna utvrditi preliminarnu listu stipendista za tekuću školsku godinu najkasnije u roku od 15 dana od dana dostavljanja liste iz stava (1) ovog člana.
- (6) Preliminarna lista stipendista dostavlja se školama iz člana 4. ove odluke u roku od 7 dana od utvrđivanja iste i objavljuje se na internet stranici Ministarstva.
- (7) Škole su obavezne upoznati sve učenike upisane na deficitarna zanimanja iz člana 4. ove odluke sa preliminarnom listom stipendista.
- (8) Roditelji/staratelji upisanih učenika za deficitarna zanimanja iz člana 4. ove odluke mogu izjaviti prigovor ministrici u roku od sedam dana od dana objavljivanja preliminarne liste stipendista.
- (9) Ministrica će u roku od tri dana donijeti odluku o izjavljenom prigovoru te utvrditi konačnu listu stipendista.



(10) Konačna lista stipendista dostavlja se školama iz člana 4. ove odluke u roku od tri dana od utvrđivanja iste i objavljuje se na internet stranici Ministarstva.

#### **Član 7.**

(Prednost za dodjelu stipendije)

U slučaju da dva ili više kandidata imaju jednake uvjete za stipendiju, prednost će se dati kategorijama lica naznačenih u Zakonu o dopunskim pravima boraca Bosne i Hercegovine.

#### **Član 8.**

(Iznos stipendije)

Iznos stipendije utvrđuje ministrica posebnom odlukom, a isti će ovisiti o raspoloživim sredstvima u Budžetu.

#### **Član 9.**

(Izuzeci za dodjelu stipendije)

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća), organa uprave bilo kojeg nivoa vlasti u Bosni i Hercegovini.

#### **Član 10.**

(Ugovor)

Stipendija se dodjeljuje nakon provedenog postupka, a na osnovu kriterija propisanih ovom Odlukom nakon čega Ministarstvo sa roditeljima/starateljima učenika zaključuje ugovor o dodjeli stipendije.

#### **Član 11.**

(Isplata sredstava)

Stipendije se isplaćuju jednokratno ili u ratama, ovisno od priliva sredstava u Budžet Kantona Sarajevo. Ostvarena novčana sredstva od stipendije se ne vraćaju.

#### **Član 12.**

(Stupanje na snagu)

Ova odluka stupa na snagu danom donošenja, a ista će biti objavljena na zvaničnoj internet stranici Ministarstva za odgoj i obrazovanje Kantona Sarajevo.

